

**BENEDICTIONES PROPRIÆ  
NONNULLORUM ORDINUM REGULARIUM.**

*Quæ sequuntur benedictiones, nonnisi a Sacerdotibus specialem facultatem habentibus adhiberi possunt.*

**Benedictio et impositio  
scapularis sanctissimæ Trinitatis.**

*Propria Ordinis Ss. Trinitatis Redemptionis Captivorum.*

*Sacerdos indutus superpelliceo et stola albi coloris, dicit:*

*Ps. Adjutorium nostrum in nomine Domini.*

*R. Qui fecit cœlum et terram.*

*V. Dominus vobiscum.*

*R. Et cum spiritu tuo.*

**Orémus.**

**D**omine Jesu Christe, qui tégumen nostræ mortalitatis induere dignatus es: obsecramus immensam tuæ largitatis abundantiam; ut hoc genus vestimenti, quod sancti patres ad innocentiae et humilitatis indicium abrenuntiâtes sæculo ferre sanxerunt, tu ita bene ✠ dicere digneris, ut hic famulus tuus (vel famula tua) **N.** qui (vel quæ) hoc indutus (vel induta) fuerit vestimento, te quoque induere mereatur. Qui vivis et regnas per omnia sæcula sæculorum. **R.** Amen.

*Postea adspargit aqua benedicta.*

**Modus imponendi dictum scapulare.**

*Ps. Adjutorium nostrum in nomine Domini.*

*R. Qui fecit cœlum et terram.*

*V. Dominus vobiscum. R. Et cum spiritu tuo.*

**Orémus.**

**A**desto, Domine, supplicationibus nostris: ut hunc famulum tuum (vel famulam tuam), cui in tui nomine habitum Religionis sanctissimæ Trinitatis imponimus, tu ita bene ✠ dicere digneris; ut te largiente devotus (vel devota) persistat, et vitam consequi mereatur æternam. Per Dominum nostrum Jesum Christum Filium tuum: Qui tecum vivit et regnat in unitate Spiritus sancti Deus, per omnia sæcula sæculorum. **R.** Amen.

*Nunc imponitur sacrum Scapulare a Sacerdote dicente:*

**A**ccipe habitum sanctissimæ Trinitatis, in augmentum fidei, spei, et caritatis: in nomine Patris, et Filii, ✠ et Spiritus sancti. **R.** Amen.

*V. Dominus vobiscum.*

*R. Et cum spiritu tuo.*

**Orémus.**

**O**mnipotens sempiternæ Deus, qui dedisti famulo tuo (vel famulæ tuæ) in confessione veræ fidei æternæ Trinitatis gloriâ agnoscere, et in potentia majestatis adorare unitatem: quæsumus; ut ejusdem fidei firmitate ab omnibus semper muniatur adversis.

**D**eus, qui per sanctos Joannem et Felicem Ordinem sanctissimæ Trinitatis, ad redimendum de potestate Saracenorum captivos, cœlitus instituisse dignatus es: præsta, quæsumus; ut eorum suffragantibus meritis a captivitate corporis et animæ, te adjuvante, liberetur hic famulus tuus (vel hæc famula tua). Per Christum Dominum nostrum. **R.** Amen.

**S**uscipiat te sanctissima Trinitas in numerum confratrum, consororumque Confraternitatis nostræ: et licet te indigne suscipimus, in orationibus

tamen nostris precámur, ut tibi sanctíssima Trinitas concédât tempus bene vivéndi, constántiam perseverándi; et sicut nos hódie fratérna caritas spirituáliter jungit in terris, ita divína píetas, quæ dilectiónis est auctrix et amátrix, nos cum fidélibus suis conjúgere dignétur in cœlis. Per Christum Dóminum nostrum. **R.** Amen.

*Datur benedictio, dicendo:* Pax et benedictio Dei omnipoténtis, Patris, ✠ et Fílii, ✠ et Spíritus ✠ sancti descéndat super te (*vel* super vos), et máneat semper. **R.** Amén.

### Benedictio trisagii Ss. Trinitatis.

**V.** Adjutórium nostrum in nómine Dómini.

**R.** Qui fecit cœlum et terram.

**V.** Dóminus vobíscum.

**R.** Et cum spírítu tuo.

*Orémus.*

**O**mnípotens et miséricors Deus, qui per Fílium tuum unigénitum, ac per Prophétas et Apóstolos tuos, sanctíssimæ Trinitátis mystérium reveláre dignátus es, ut sanctórum Angelórum choros imitántes in terris, dignas et devótas tibi laudes referámus: tuam obsecrámus cleméntiam: ut hæc triságia (*vel* hoc triságium), quæ (*vel* quod) in honórem et laudem ejúsdem sanctíssimæ Trinitátis ab Ecclésia fidéli dicáta sunt (*vel* dicátum est), bene ✠ dicas, et sanctífices, eisque (*vel* eíque) tantam infúndas Spíritus sancti virtútem, ut quicumque horum quódlibet portáverit, atque in domo sua reverénter serváverit, seu devóte recitáverit, tua divína virtúte ab ómnibus ánimæ et córporis perículis eruátur; sitque consors et párticeps gratiárum ónium, privilegiórum et indulgentiárum,

quæ ab Apostólica Sede concéssa fúerint; atque in éxitu suo a sanctis Angelis tuis in conspéctu divínæ majestátis præsentári mereátur. Per Dóminum nostrum Jesum Christum Fílium tuum: Qui tecum vivit et regnat in unitáte Spíritus sancti Deus, per ómnia sæcula sæculórum. **R.** Amen.

*Postea adspersatur aqua benedicta.*

### Methodus pro erigendis stationibus Viæ Crucis.

*Propria Ordinis Minorum Observantium S. Francisci.*



acerdos superpelliceo et stola violacei coloris indutus, uno saltem clerico adhibito, qui ei opportuno tempore porrigere possit vasculum aquæ benedictæ cum adpersorio, et thuribulum cum incensi navicula, adscendit Altare, ibique stans brevi sermone super præstantia et utilitate pii exercitii Viæ Crucis populum alloquetur. Deinde genuflexus in infimo gradu intonabit Hymnum: Veni, Creátor Spíritus etc. ut supra pag. 39\*

**V.** Emítte Spíritum tuum, et creabúntur.

**R.** Et renovábis fáciem terræ.

*Orémus.*

**D**eus, qui corda fidélium sancti Spíritus illustratione docuísti: da nobis in eódem Spírítu recta sápere, et de ejus semper consolatione gaudere.

*Defénde, quæsumus Dómine, beáta María semper Vírgine intercedénte, pópulum istum (*vel* familiam istam) ab omni adversitate: et toto corde tibi prostrátum (*vel* prostrátam), ab hóstium propítius tuere cleménter insídiis.*

*Actiónes nostras, quæsumus Dómine, adspirando præveni, et adjuvando proséquere: ut cuncta nostra orátio et operátio a te semper incípiat, et per te cœpta finiátur. Per Dóminum nostrum Jesum Christum Fílium tuum: Qui tecum vivit et regnat etc. **R.** Amen.*

**Benedictio tabularum pictarum  
si adsunt.**

**V.** Adjutorium nostrum in nomine Domini.  
**R.** Qui fecit caelum et terram.  
**V.** Dominus vobiscum.  
**R.** Et cum spiritu tuo.

**Orémus.**

**Q**uoniam omnipotens sempiternus Deus, qui Sanctorum tuorum imagines sculpi aut pingi non reprobas, ut quoties illas oculis corporis intuemur, toties eorum actus et sanctitatem ad imitandum memoriae oculis meditemur: has, quæsumus, imagines, in honorem et memoriam unigeniti Filii tui Domini nostri Jesu Christi adaptatas, bene ✠ dicere, et sancti ✠ ficare digneris; et præsta, ut quicumque coram illis unigenitum Filium tuum suppliciter colere, et honorare studuerit, illius meritis et obtentu, a te gratiam in presenti, et æternam gloriam obtineat in futuro. Per eundem Christum Dominum nostrum. **R.** Amen.

*Tunc Sacerdos eas adspersit aqua benedicta, et incensat. In Oratorio privato omitti potest incensatio.*

**Benedictio crucium  
quæ ex ligno esse debent.**

**V.** Adjutorium nostrum in nomine Domini.  
**R.** Qui fecit caelum et terram.  
**V.** Dominus vobiscum.  
**R.** Et cum spiritu tuo.

**Orémus.**

**R**ogamus te, Domine sancte, Pater omnipotens, sempiternus Deus: ut digneris bene ✠ dicere hæc signa crucis tuæ, ut sint remedia salutaria

generi humano; sint soliditas fidei, bonorum operum profectus, et redemptio animarum; sint solamen, et protectio, ac tutela contra sæva jacula inimicorum. Per Christum Dominum nostrum.

**R.** Amen.

**Orémus.**

**B**ene ✠ dic, Domine, has cruces, quia per crucem sanctam tuam eripuisti mundum a potestate dæmonum, et superasti passione tua suggestorem peccati, qui gauderat in prævaricatione primi hominis per ligni vetiti sumptionem.

*Tunc Sacerdos eas adspersens dicat:*

Sanctificentur ista crucis signa in nomine Patris, et Filii, et Spiritus sancti: ut orantes, inclinantesque se propter Deum ante istas cruces, inveniant sanitatem animæ, et corporis. Per Christum Dominum nostrum. **R.** Amen.

*Deinde cantatur sequens*

**Hymnus.**



exilla regis prædeunt,  
Fulget crucis mysterium,  
Qua vita mortem pertulit,  
Et morte vitam protulit.

Quæ vulnerata lanceæ  
Mucrone diro, criminum  
Ut nos lavaret sordibus,  
Manavit unda, et sanguine.

Impléta sunt, quæ concinit  
David fideli carmine,  
Dicendo nationibus:  
Regnavit a ligno Deus.

Te, fons salutis, Trinitas,  
Collaudet omnis spiritus:  
Quibus crucis victoriam  
Largiris, adde præmium. Amen.

*Loco Versus Hoc passionis tempore, qui dicitur tempore Passionis, tempore paschali dicitur: Paschale quæ fers gaudium; alio tempore: In hac triumphi gloria.*

Arbor decora et fulgida,  
Ornata regis purpura,  
Electa digno stipite  
Tam sancta membra tangere.

Beata, cujus brachiis  
Præteritum pependit sæculi,  
Statéra facta corporis,  
Tulitque prædam tartari.

O crux, ave, spes unica,  
Hoc passionis tempore,  
Piis adauge gratiam,  
Reisque dele crimina.

## Hymnus.

**S**tabat mater dolorosa  
Juxta crucem lacrimosa,  
Dum pendebat Filius.

Cujus animam gementem,  
Contristatam et dolentem,  
Pertransiuit gladius.

O quam tristis et afflicta  
Fuit illa benedicta  
Mater Unigeniti!

Quae mœrebat, et dolébat,  
Pia Mater, dum vidébat  
Nati poenas íncliti.

Quis est homo, qui non fleret,  
Matrem Christi si vidéret  
In tanto supplicio?

Quis non posset contristari,  
Christi Matrem contemplari  
Dolentem cum Filio?

Pro peccatis suae gentis  
Vidit Jesum in tormentis,  
Et flagellis subditum.

Vidit suum dulcem Natum  
Moriendo desolatum,  
Dum emisit spiritum.

Eja Mater, fons amoris,  
Me sentire vim doloris  
Fac, ut tecum lugeam.

Fac ut ardeat cor meum  
In amando Christum Deum,  
Ut sibi complacéam. Amen.

Sacerdos accedens ad locum primae stationis, osculatur crucem et tabulam, easque, vel per se, vel per laicum decenti habitu indutum, collocat in loco ad id preparato; deinde legit meditationem et preces huic stationi respondentes: quod et fiet in ceteris stationibus. Quibus finitis cantatur

## Hymnus.

**T**e Deum laudamus: \* te Dóminum confitemur.  
Te aeternum Patrem \* omnis terra veneratur.  
Tibi omnes Angeli, \* tibi caeli, et uniuersae potestates:  
Tibi Chérubim et Séraphim \* incessabili voce proclamant:  
Sanctus, Sanctus, Sanctus \* Dóminus Deus Sábaoth.  
Pleni sunt caeli et terra \* majestatis glóriæ tuæ.  
Te gloriósus \* Apostolorum chorus:  
Te Prophetarum \* laudabilis número:  
Te Mártyrum candidátus \* laudat exercitus.  
Te per orbem terrarum \* sancta confitétur Ecclésia:  
Patrem \* imménsae majestatis:  
Venerandum tuum verum, \* et únicum Filium:  
Sanctum quoque \* Paráclitum Spíritum.  
Tu Rex glóriæ, \* Christe.  
Tu Patris \* sempiternus es Filius.  
Tu ad liberandum suscepturus hóminem, \* non horruísti Virginitis  
- úterum.  
Tu devicto mortis acúleo, \* aperuísti credéntibus regna cœlorum.

Tu ad dexteram Dei sedes, \* in glória Patris.  
Judex créderis \* esse venturus.

Te ergo quæsumus, tuis fámulis súbveni, \* quos pretioso sáanguine redemísti.

Ætérna fac cum sanctis tuis \* in glória numerári.

Salvum fac pópulum tuum, Dómine, \* et benedic hæreditáti tuæ.

Et rege eos, \* et extólle illos usque in aeternum.

Per singulos dies \* benedicimus te.

Et laudámus nomen tuum in sæculum, \* et in sæculum sæculi.

Dignáre, Dómine, die isto \* sine peccáto nos custodíre.

Miserére nostri, Dómine, \* miserére nostri.

Fiat misericórdia tua, Dómine, super nos, \* quemádmódu sperá-  
vimus in te.

In te, Dómine, sperávi: \* non confundar in aeternum.

**V.** Benedicámus Patrem, et Fílium, cum san-  
cto Spíritu.

**R.** Laudémus, et superexaltémus eum in sæ-  
cula.

## Orémus.

**D**eus, cujus misericórdiæ non est número, et bo-  
nitátis infinitus est thesáurus, piíssimæ maje-  
státi tuæ pro collátis donis grátias ágimus: tuam  
semper cleméntiam exorántes; ut qui peténtibus  
postuláta concédís, eósdem non déserens, ad præ-  
mia futúra dispónas. Per Christum Dóminum no-  
strum. **R.** Amen.

Tunc Sacerdos benedicit populum cum cruce.

Formula ad fidem faciendam  
de erectione Viæ Crucis.

**V**igore facultatis mihi commissæ Ego N. N. Viam  
Crucis cum annexis Indulgentiis erexi in loco  
ut supra in precibus etc. juxta regulas a S. Indul-  
gentiarum Congregatione die 10. Maji 1742 præ-  
scriptas. In quorum fidem testimonium hoc mea  
manu exaravi hac die etc.

**Benedictio et impositio habitus vel scapularis  
nigri**

**Ss. Crucis et Passionis D. N. J. Chr.**

*Propria Congregationis Clericorum Regularium Ss. Crucis et Passionis D. N. J. C.*

**S**acerdos indutus superpelliceo et stola rubea, eo genuflexo cui habitus vel scapulare est imponendum, dicit:

**V.** Adjutorium nostrum in nomine Domini.

**R.** Qui fecit caelum et terram.

**V.** Dominus vobiscum.

**R.** Et cum spiritu tuo.

**Orémus.**

**D**omine Jesu Christe, qui pro redemptione mundi voluisti nasci, circumcidi, a Judaeis reprobari, a Juda traditore osculo tradi, vinculis alligari, sicut agnus innocens ad victimam duci, atque conspectibus Annae, Caiaphae, Pilati et Herodis indecenter offerri, a falsis testibus accusari, flagellis et opprobriis vexari, sputis conspui, spinis coronari, colaphis caedi, arundine percuti, facie velari, vestibus exui, cruci clavis affigi et lancea vulnerari: tu Domine, per has sanctissimas poenas tuas, et sanctam crucem et mortem tuam, hujus famuli tui (vel famulae tuae) intellectum illumina, affectum inflamma, ut caritatis tuae dulcedine perfusus (vel perfusa) lacrimas compunctionis jugiter effundat, totaque virtute te diligat, et quae tibi placita sunt, tota dilectione perficiat. Qui vivis et regnas cum Deo Patre in unitate Spiritus sancti Deus, per omnia saecula saeculorum.

**R.** Amen.

**V.** Adjutorium nostrum in nomine Domini.

**R.** Qui fecit caelum et terram.

**V.** Sit nomen Domini benedictum.

**R.** Ex hoc nunc et usque in saeculum.

**V.** Domine, exaudi orationem meam.

**R.** Et clamor meus ad te veniat.

**V.** Dominus vobiscum.

**R.** Et cum spiritu tuo.

**Orémus.**

**D**omine Jesu Christe, qui tegumen mortalitatis nostrae assumere dignatus es: te humiliter deprecamur; ut hoc indumentum, quod in memoriam tuae sanctissimae Passionis et Mortis institutum fuit, bene ✠ dicere, et sancti ✠ ficare digneris; ut hic famulus tuus (vel haec famula tua), qui (vel quae) ipsum gestaverit, ejusdem Passionis particeps effectus (vel effecta), aeternam gloriam tuam consequi mereatur. Qui vivis et regnas in saecula saeculorum. **R.** Amen.

*Hic Sacerdos sacrum habitum vel scapulare adspersit aqua benedicta, et illud imponit, dicens:*

Induat te Dominus novum hominem, ut hac lugubri poenitentiae tessera munitus, jugiter adspicias ad Jesum, quem manus impiorum confixerunt, et doleas super eum, ut doleri solet in morte primogeniti. **R.** Amen.

*Deinde subjungit:*

Et ego ex facultate mihi concessa recipio te ad participationem omnium bonorum spiritualium, quibus ex Apostolico privilegio gaudet Congregatio Sanctissimae Crucis et Passionis Domini nostri Jesu Christi. In nomine Patris, et Filii, ✠ et Spiritus sancti. Amen.

*In fine tandem:*

Passio Domini nostri Jesu Christi sit semper in cordibus nostris. Amen.